



V. SANJEJEV

od 1958 igrao je u FK Metalac (Valjevo), a od 1965 bio je član OFK Beograd s kojim je osvojio Nogometni kup Jugoslavije (1965/66), igrao je za FC Grasshoppers, Zürich (1974-76), ponovno za OFK Beograd (1976-78), za JFK Partizan, Beograd (1978-80) s kojim je osvojio PJ (1979/80) i Srednjoevropski kup (1980) te od 1981 za FK Galenika (Beograd-Zemun).

Sanjejev, Viktor Danilovič (1945), sovj. reprezentativac u atletici, zaslužni majstor sporta; prvi na Ol 1968, 1972 i 1976 te drugi na Ol 1980 u troskoku; prvi na PE 1969 i 1974, drugi na PE 1971 i 1978; prvi na PE u dvorani 1970-72, 1975-77; postigao tri SR: 17,23 i 17,39 m (1968) te 17,44 m (1972).

sanjkanje, vrsta zimskog sporta, utrke na specijalnim trkačim sanjkama jednosjedima ili dvosjedima. Žene se natječu samo u jednosjedu, muškarci u jednosjedu i dvosjedu. Na posebno pripremljenim umjetnim zale-

đenim stazama postižu se brzine do 100 km/h. Za međ. natjecanja umjetna staza mora biti duž, 1000-1500 m s nagibom 9-11% i mora imati najmanje 5 zavoja polumjera 9-15 m. Posebno se održavaju nac. natjecanja na prirodnim stazama. Muškarci u jednosjedu voze po čitavoj stazi, a žene u jednosjedu i muškarci u dvosjedu voze po stazi skraćenoj za 20%. Međ. umjetne staze za s. i bob izgrađene su u Cortini d'Ampezzo (Italija), St. Moritzu (Švicarska), Garmisch-Partenkirchenu (SR Njemačka), Alpe d'Huez (Francuska), Iglsu (Austrija), Zakopanima (Poljska), Lake Placidu (SAD), Trebeviću kraj Sarajeva (Jugoslavija). Staze duž kojih su cijevi za umjetno zaleđivanje izgrađene su u Winterbergu i Königseeu (SR Njemačka) te Oberhofu (Njemačka DR).

Sanjke za utrke izrađene su iz elastičnog drva, visoke su 12-15 cm, široke 45 cm, dugačke 124-150 cm, imaju ukoso postavljene i savijene drvene salince okovane željeznom oplatom na kojoj su čelične tračnice. Širina traga sanjki ne smije biti veća od 45 cm. Od 1964 je zabranjeno zagrijavanje čeličnih salinaca, što je ranije bilo uobičajeno zbog postizanja većih brzina. Dovoljena tež. je za jednosjed do 20 kg, za dvosjed do 22 kg. Muškarci smiju nositi do 10 kg olovnih utega, a žene do 8 kg. Aerodinamički plašt za sanjke nije dozvoljen. Natjecatelji obavezno nose zaštitne kacige, obično i štitnike za laktove i koljena te zaštitni pojas. Vozač zaježe sanjku i polegne na leđa i s nogama ispruženima naprijed koči i upravlja, pri čemu si pomaže i premještanjem težine tijela i povlačenjem remena vezanog za prednje krajeve salinaca. Start se izvodi pojedinačno sa 1,5 do 5 m visoke startne rampe. Natjecatelji sjedi na sanjkama, rukama se drži za ogradu rampe, zaniše se naprijed-nazad i na znak startera snažno odgurne preko startne linije. U utrkama jednosjeda voze se 4 utrke i za konačni plasman zbrajaju elektronski mjerena vremena u svim utrkama. U utrkama dvosjeda voze se dvije utrke, PS se održava od 1955, PE od 1914; s. je u programu Ol od 1964. Brigu o razvoju s. u svijetu vodi FIL (franc. Fédération Internationale de Luge de Course), osn. 1957.

São Silvester → Novogodišnja utrka

Sapardić, Luka (1920), službenik, sp. radnik, Predsjednik fudbalskog kluba Jedinstvo i Međuopćinskog fudbalskog saveza u Brčkom (1958-73), član IO Fudbalskog saveza BiH i delegat u Skupštini, odn. Konferenciji NSJ. Inicijator i organizator nogometnih natjecanja seoskih ekipa na području Brčkog, Županje i Zvornika. Dobitnik Zlatne plakete NSJ (1969) i Majske nagrade Saveza organizacija za fizičku kulturu BiH (1967).

saplitanje, rvanje: element tehnike u slobodnom stilu rvanja; postavljanje noge ispred

ili iza noge protivnika u cilju bacanja ili obaranja u parter.

Sapundžić, Milan (1925), redovni profesor Poljoprivrednog fakulteta Univerziteta u Novom Sadu, dr. znanosti; sp. radnik. Napisao: *Hortikultura*, Novi Sad 1975; *Površine za fizičku kulturu kao kategorija zelenih površina naselja*, Beograd 1964; i dr. Dobitnik brojnih nagrada i priznanja te Majske nagrade SOFK Srbije (1960).

Saračević, Zlatan (1956), reprezentativac u atletici, član AK Sloboda (Tuzla). Na dvo-ranskom PE 1980 osvojio je prvo mjesto u bacanju kugle (20,43 m); 1981 bio je treći (19,40 m). Na PJ 1981 osvojio je prvo mjesto (20,14 m).

Sarafin, Rudolf (1929), nastavnik tje. odgoja i viši prednjak; reprezentativac BiH u sp. gimnastici, sp. radnik u Banjoj Luci. Bio je in-struktor Saveza za tjelesni odgoj Partizana BiH za Bosansku krajinu, član Republičke Komisije za fizičku kulturu u BiH (dva mandata) i član Predsjedništva Saveza za tjelesni odgoj Partizana BiH i SOFK BiH. Autor i koautor brojnih sletskih vježbi. Uz brojne nagrade i priznanja dobitnik je Majske nagrade SOFK BiH (1968).

Sarajevo, Atletski klub, osn. 1946 u Sarajevu kao sekcija FD Torpedo; 1947 mijenja ime u FD Metalac Sarajevo, a od 1949 djeluje kao samostalni klub. Osvojio: ekipno PJ za žene (1972) i Kup Jugoslavije za žene (1970-73); ekipno PJ u krosu za muškarce (1974 i 1976, kraca staza, te 1975, duža staza) i za žene (1971-75); PJ u partizanskom maršu (1974-75).

Sarajevo, Fudbalski klub, osn. 1946; do 1947 djelovao pod nazivom FD Torpedo, do 1949 pod nazivom FD Metalac, Sarajevo, a zatim djeluje kao samostalni nogometni klub. Osvojio PJ 1966/67.

Sarajevo, Šahovski klub, osn. 1946 u sastavu FD Torpedo, koje kasnije mijenja naziv u Udarnik, pa Sarajevski šahovski klub i, konačno, odnedavno u Sarajevo; pobjednik Kupa Maršala Tita 1960.

Sarazen, Gene (1902), reprezentativac SAD u golfu i prvi osvajač Grand Slama; osvojio British Open 1932, US Open 1922 i 1932 US PGA 1922, 1932-33 i US Masters 1935.

sare, pelota; izvorno baskijska, kasnije i argent. indirektna igra za parove; igra se reketom na igralištu trinquet.

Sarić, Ivan (1876-1966), ekonomist; biciklist, jedan od prvih zrakoplovnih pilota na teritoriju današnje Jugoslavije. Biciklizmom se bavio od 1891; pobjednik na prvenstvu Ugarske (1900) u cestovnoj utrci duž. 100 km; isti uspjeh postigao 1901 u Novom Sadu. Bio je prvi na prvenstvu Srbije 1900 na stazi duž. 25 km. God. 1910 izvršio je let avionom koji je sam konstruirao (jedan od



SANJKANJE: 1. start; 2. sanjkanje na umjetno zaleđenoj stazi; 3. sanjke i kaciga